

Atuagaateqarfimmiittuuteqarnermut akissarsiassat pillugit Namminersornerullutik Oqartussat nalunaarutaat

Atuagaateqarfeqarneq pillugu Inatsisartut peqqussutaanni nr. 4-mi, 15. oktober 1979-imeersumi
Inatsisartut peqqussutaatigut nr. 13-ikkut 30. oktober 1992-imeersukkut allanngortinneqartumi § 12 a
naapertorlugu makku aalajangersarneqarput:

Kapitali 1.

Akissarsisinneqartartut

§ 1. Namminersornerullutik Oqartussat atuakkiortunut, nutserisartunut, assiliartalersuisartunut
assiliisunullu, atuakkanik kalaallisunuk atuakkanillu immiunneqartunik suliaqarsimasunut suliaallu
Nunatta Atuagaateqarfianiitinneqartunut qinnuteqartoqarnera naapertorlugu
atuagaateqarfimmiittuuteqarnermut ukiut tamaasa akissarsisitsisassapput.

Imm. 2. Akissarsisinneqarsinnaatitaasoq toqukkut qimaguppat uillarnera nuleerneraluunniit
atuagaateqarfimmiittuuteqarnermut akissarsianik pisartagaqartitaajuaannassaqaq. Sivikinnerpaamik ukioq
ataaseq inooqatigiinneq katissimanermut sanilliunneqarsinnaasoq, akissarsisinneqarsinnaasup toqukkut
qimagunnerani atuuttoq, appariinnermut sanilliunneqassaaq.

Kapitali 2.

Suliat akissarsiaqaataasartussat

§ 2. Suliamik ataatsimik nalunaarummi uani pineqarpoq atuakkiaq naqitertinneqarsimasoq ataaseq.

Imm. 2. Atuakkanut immiunneqartunut tunngatillugu suliap ataatsip assigaa taamatut naqitertitaq ataaseq.

Imm. 3. Suliaq akissarsiaqaataasinnaasoq Nunatta Atuagaateqarfiani nalunaarsorneqassaaq.

Imm. 4. Akissarsisinneqartassagaanni suliaq ukiumi akissarsisinneqarumalluni qinnuteqarfiusumi januaarip
aallaqqaataani Nunatta Atuagaateqarfianiitinneqalersimasutut nalunaarsugaasimasariaqarpoq.

Imm. 5. Katersugaatit inuiaassutsimut tunngasut Groenlandicat nalunaarummi uani pineqannngillat.

§ 3. Akissarsiaqartitsisoqartassaaq sulianut 32-nik imaluunniit taakku sinnerlugit quppernilinnut.

Imm. 2. Akissarsiaqartitsisoqassanngilaq sulianut pingasut sinnerlugit suleqataaffigineqartunut.

Imm. 3. Akissarsiaqartitsisoqartassaaq atuakkianut ilisimasassanut tunngasunik oqaluttualianillu
imalinnut.

Imm. 4. Suliani nutsikkani aallaqqaataani illi assiliartaliussanut assitanullu akissarsiaqartitsisoqassanngilaq.

Kapitali 3.

Akissarsiassat agguanneqarnerat

§ 4. Aningaasat akissarsiassaasut tamarmiusut § 6, imm. 1 naapertorlugu qinnuteqartoqarnera najoqqutaralugu sulianut akissarsiaqaataasussanut tamanut assigiimmik agguanneqartassapput.

Imm. 2. Qinnuteqarnissamut killiliussaq ukiumut ataasiarluni tamanut nalunaarutigineqartassaaq.

Qinnuteqarnissamut juunip aallaqqaataat killiliunneqarpoq. Akissarsisinneqarnissamut qinnuteqaatit immersugassanut Nunatta Atuagaateqarfiaita suliarisimasaanut allanneqartassapput.

§ 5. Suliamut kisermaassamut ataatsimut akissarsiassaq ataaseq akissarsiaritinneqartassaaq.

Imm. 2. Suliamut nutsikkamut ataatsimut suliamillu allanngorlugu allaqqitamut ataatsimut akissarsiassap affaa akissarsiaritinneqassaaq.

Imm. 3. Akissarsiassaritinneqartut suleqataasut angeqqatigiimmik agguartassavaat.

Imm. 4. Assiliartaliussat assitallu akissarsissutaassagunik suliap 40%-ia sinnerlugu annertussuseqassapput, akissarsiassarlu angeqqatigiinnik ilanggussisunut taakkununnga agguarneqassaaq.

§ 6. Ukiut aningaasaliissutigineqartunit atuagaateqarneq pillugu Inatsisartut peqqussutaanni § 12 a naapertorlugu, 90%-ii § 4-mi 5-imilu aalajangersakkat malillugit agguanneqassapput, aaqqissuussinerlu taanna Nunatta Atuagaateqarfianit aqunneqassaaq.

Imm. 2. Sinneri 10%-it Kultureqarnermut Pisortaqarfuiup aamma Kalaallit Atuakkiortut isumaqatigiissutaat malillugu agguanneqassapput kalaallisut atuakkiat amerlanerulernissaat kalaallillu (atuakkanik) pilersitsisuusut § 1, imm. 1-imi taaneqartut tapersorsornissaat siunertaralugu.

§ 7. Akissarsiaqarnissamik qinnuteqaammut itigartitsineq qinnuteqaammut itigartitsissutip qinnuteqartumit tiguneqarneranit sap. akunneri sisamat qaangiutsinnagit Kultureqarnermut Pisortaqarfimmun allaganngorlugu naammagittaalliuutigineqarsinnaavoq.

Imm. 2. Suliap aalajangiiffigineqannginnerani suliaq Kalaallit Atuakkiortunut oqaaseqarfigisassatut saqqummiunneqassaaq.

Kapitali 4.

Atulerfissa

§ 8. Nalunaarut atortuulerpoq 1. november 1999.

Imm. 2. Tamatumunnga peqatigitillugu Atuagaateqarfimmiiittuuteqarnermut akissarsiaqartarneq pillugu Namminersornerullutik Oqartussat nalunaarutaat nr. 10, 22. april 1993-imeersoq atorunnaarsinneqarpoq.

Namminersornerullutik Oqartussat, ulloq 5. oktober 1999.

Lise Lennert

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut